

## თბილისის მუნიციპალიტეტის საკრებულო

ურბანული დაგეგმარებისა და საქალაქო მეურნეობის კომისიის სხდომის

ოქმი №35

ქ. თბილისი

2018 წელი, 24 დეკემბერი, 15:00 საათი

სხდომას ესწრებოდნენ კომისიის წევრები:

რევაზ სოხაძე, გიორგი ტყემალაძე, ბექა დავითულიანი, თევდორე ისაკაძე, ნიკოლოზ ვაჩეიშვილი, დავით უჯმაჯურიძე, ვახტანგ შაქარიშვილი, გიორგი გაბაშვილი, გოჩა თევდორაძე

სხდომას თავმჯდომარეობდა: რევაზ სოხაძე

სხდომას არ ესწრებოდა: დავით უთმელიძე

სხდომის მუშაობაში მონაწილეობდნენ:

გაიოზ თალაკვაძე - თბილისის მუნიციპალიტეტის მერიის საფინანსო საქალაქო სამსახურის უფროსი

### დღის წესრიგი:

1. „თბილისის მუნიციპალიტეტის 2019 წლის ბიუჯეტის დამტკიცების შესახებ“ თბილისის მუნიციპალიტეტის საკრებულოს დადგენილების პროექტთან დაკავშირებით (12-0318344134-03)
2. „ქალაქ თბილისის მუნიციპალიტეტის 2018 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2017 წლის 15 დეკემბრის N6-8 დადგენილებაში ცვლილების შეტანის შესახებ ქალაქ თბილისის მუნიციპალიტეტის საკრებულოს დადგენილების პროექტი (12-0318355197-03)

კომისიის თავმჯდომარე ბატონი რევაზ სოხაძე მიესალმა კომისიის წევრებს და სხდომა გახსნილად გამოაცხადა.

ურბანული დაგეგმარებისა და საქალაქო მეურნეობის კომისიამ დღის წესრიგი დაამტკიცა.

1. „თბილისის მუნიციპალიტეტის 2019 წლის ბიუჯეტის დამტკიცების შესახებ“ თბილისის მუნიციპალიტეტის საკრებულოს დადგენილების პროექტთან დაკავშირებით (12-0318344134-03)

საკითხი წარმოადგინა თბილისის მუნიციპალიტეტის მერიის საფინანსო საქალაქო სამსახურის უფროსმა ბატონმა გაიოზ თალაკვაძემ, მისი თქმით, ქალაქ თბილისის მუნიციპალიტეტის 2019 წლის ბიუჯეტის გადამუშავებულ ვერსიაში ბიუჯეტის შემოსულობების მოცულობა იზრდება 56 000,0 ათასი ლარით და განისაზღვრა 927 631,5 ათასი ლარით, მათ შორის საკუთარი შემოსულობების ნაწილში 877 631,5 ათასი ლარი (თავდაპირველად წარდგენილ პროექტთან შედარებით იზრდება 6 000,0 ათასი ლარით), ხოლო სახელმწიფო ბიუჯეტიდან დამატებით გამოიყო სპეციალური ტრანსფერი 50 000,0 ათასი ლარის ოდენობით. შესაბამისად, ბიუჯეტის გადასახდელები განისაზღვრება 927 631,5 ათასი ლარის ოდენობით. ბ) პროექტის საფინანსო-ეკონომიკური გაანგარიშება პროექტი განსაზღვრავს 2019 წლის ბიუჯეტის შემოსულობებისა და გადასახდელების საპროგნოზო მაჩვენებლებს. ქალაქ თბილისის მუნიციპალიტეტის 2019 წლის ბიუჯეტის შემოსავლები ქალაქ თბილისის მუნიციპალიტეტის 2019 წლის ბიუჯეტის შემოსავლების საპროგნოზო მაჩვენებლები განისაზღვრა 900 531,5 ათასი ლარით, რაც პირველ წარდგენილ ვერსიასთან შედარებით გაზრდილია 50 000,0 ათასი ლარით. მათ შორის: საგადასახადო შემოსავლები ბიუჯეტის წინა წარდგენასთან შედარებით) რჩება უცვლელი და შეადგენს - 658 415,2 ათასი ლარი. მათ შორის: - დამატებული ღირებულების გადასახადიდან მისაღები შემოსავალი შეადგენს 473 415,2 ათას ლარს. - საწარმოთა ქონებაზე გადასახადი 150 000,0 ათასი ლარი; 2 - ფიზიკურ პირთა ქონებაზე გადასახადი 19 000,0 ათასი ლარი; - მიწაზე ქონების გადასახადი 16 000,0 ათასი ლარი. გრანტები ბიუჯეტის წინა წარდგენასთან შედარებით გაიზარდა 50 000,0 ათასი ლარით და შეადგენს - 51 341,5 ათასი ლარი, მათ შორის: - საერთაშორისო ორგანიზაციებიდან მიღებული გრანტები 881,5 ათასი ლარი, მათ შორის ევროკავშირის გრანტი - 850,3 ათასი ლარი ბიზნეს აქსელერატორის შექმნა და საშუალო ზომის კომპანიების მდგრადი განვითარებისათვის და როკველერის ფონდის გრანტი (100 მედეგი ქალაქის ინიციატივის პროექტისათვის) - 31,2 ათასი ლარი; - მიზნობრივი ტრანსფერი დელეგირებული უფლებამოსილების განსახორციელებლად 460,0 ათასი ლარი; - სახელმწიფო ბიუჯეტიდან მისაღები სპეციალური ტრანსფერი - 50 000,0 ათასი ლარი. სხვა შემოსავლები ბიუჯეტის წინა წარდგენასთან შედარებით რჩება უცვლელი და შეადგენს - 190 774,8 ათასი ლარი, მათ შორის: - შემოსავალი საკუთრებიდან - 8 650,0 ათასი ლარი; - სათამაშო ბიზნესის მოსაკრებელი - 70 000,0 ათასი ლარი; - მოსაკრებელი დასახლებული ტერიტორიის დასუფთავებისათვის - 47 000,0 ათასი ლარი; - სანქციები (ჯარიმები და საურავები) 38 000,0 ათასი ლარი; - სხვადასხვა შემოსავლები - 27 124,8 ათასი ლარი. ქალაქ თბილისის მუნიციპალიტეტის 2019 წლის ბიუჯეტის ასიგნებები განისაზღვრა 927 631,5 ათასი ლარის ოდენობით.

ბიუჯეტის ხარჯების ჯამური მოცულობა შეადგენს 670 134,8 ათას ლარს, მათ შორის: შრომის ანაზღაურება 85 243,8 ათასი ლარით. საქონელი და მომსახურების მუხლით გათვალისწინებულია 135 180,8 ათასი ლარი, პროცენტი 1 461,5 ათასი ლარი, 3 სუბსიდიები 162 223,0 ათასი ლარი, გრანტები 920,3 ათასი ლარი, სოციალური უზრუნველყოფა 158 795,1 ათასი ლარი, სხვა ხარჯები 126 310,3 ათასი ლარით, მათ შორის ფინანსდება ისეთი პროგრამები, როგორცაა ბინათმშენებლობა და ავარიული შენობების გამაგრება, ქალაქის განვითარების ხელშეწყობა, ბინათმესაკუთრეთა ამხანაგობების განვითარების ხელშეწყობა და სხვა. არაფინანსური აქტივების ცვლილება წარმოდგენილი პროექტით არაფინანსური აქტივების ცვლილება შეადგენს 216 085,9 ათას ლარს, მათ შორის: – არაფინანსური აქტივების ზრდა – 242 085,9 ათასი ლარი. – არაფინანსური აქტივების კლება – 26 000,0 ათასი ლარი. ფინანსური აქტივების ცვლილება (1 100,0) ათასი ლარი; –ფინანსური აქტივების კლება – 1 100,0 ათასი ლარი. ვალდებულებების ცვლილება 2019 წლისათვის ვალდებულებების ცვლილება (15 410,8) ათასი ლარი, რომელიც მთლიანად ვალდებულებების კლებას შეადგენს. ქ.თბილისის მუნიციპალიტეტის ბიუჯეტის მთლიანი სალდო განისაზღვრა 14 310,8 ათას ლარით, რაც ნიშნავს რომ ქ. თბილისის 2019 წლის ბიუჯეტი არის პროფიციტური. წარმოდგენილი პროექტით გათვალისწინებული ასიგნებები პრიორიტეტების მიხედვით შემდეგნაირად არის გადანაწილებული: სატრანსპორტო ინფრასტრუქტურის მშენებლობა-აღდგენა განისაზღვრება 98 509,6 ათასი ლარით. მათ შორის: საგზაო ინფრასტრუქტურის მშენებლობა, აღდგენა და მოვლა-შეკეთებისათვის გათვალისწინებულია 91 387,6 4 ათასი ლარი, რაც თავდაპირველ წარდგენილ პროექტთან შედარებით გაზრდილია 4 151,1 მლნ ლარით. აქედან, გზების მოვლა-შეკეთება რაიონებში გაზრდილია 2 051,1 ათასი ლარით. საგზაო ინფრასტრუქტურის მშენებლობა, აღდგენა და მოვლა-შეკეთების ქვეპროგრამებით წარმოდგენილ ასიგნებებში დაგეგმილია სულ 1128,9 ათასი კვმ გზების კაპიტალური და 565,6 ათასი კვმ გზების მიმდინარე შეკეთება; ტრანსპორტის განვითარების პროგრამა განისაზღვრება 7,1 მლნ ლარით. ინფრასტრუქტურის ობიექტების მშენებლობა, ექსპლუატაცია და ავარიული შენობების გამაგრება იზრდება 37 568,9 ათასი ლარით და შეადგენს 211 366,6 ათასი ლარს. პრიორიტეტის ფარგლებში ქალაქის განვითარების ხელშეწყობის პროგრამა იზრდება 25 280,0 ათასი ლარით, რომელიც ძირითადად გადანაწილდა ორბელიანის მოედნის, გუდიაშვილის მოედნის, მშრალი ხიდის და მიმდებარე არელების რეაბილიტაციაზე. ასევე, სხვადასხვა ინფრასტრუქტურული პროექტების დასაფინანსებლად, იზრდება კეთილმოწყობის ღონისძიებები რაიონებში 8 248,9 ათასი ლარის ოდენობით; კახეთის გზატკეცილის გარე განათების ქსელის რეაბილიტაციის მიზნით, იზრდება გარე განათების ქსელის ექსპლუატაცია და რეაბილიტაციის პროგრამა 7 000,0 ათასი ლარით. საინჟინრო ნაგებობების და ინფრასტრუქტურის ობიექტების მშენებლობა და აღდგენა-რეკონსტრუქციის პროგრამა მცირდება 2 800,0 ათასი ლარით, რომლის ძირითადი ნაწილი გადატანილი იქნა გზების მშენებლობა აღდგენისათვის. ეკოლოგიური მდგომარეობის შენარჩუნება და გაუმჯობესება განისაზღვრება 88 558,5 ათასი ლარით. იზრდება გამწვანების ღონისძიებები 5 916,5 ათასი ლარით და შეადგენს 32 166,5 ათას ლარს. თავდაპირველად წარდგენილ

პროექტთან შედარებით პროგრამაში დამატებით გათვალისწინებულია კახეთის გზატკეცილის გამწვანებული ტერიტორიის მოწყობა-რეაბილიტაციისა და დიდმის ქალების ახალი პარკის მშენებლობის პროექტები. დასუფთავების ღონისძიებები განსაზღვრულია 51 000,0 ათასი ლარით. თბილისის ზოოლოგიური პარკის და ბოტანიკური ბაღის განვითარების ხელშეწყობა 5 392,0 ათასი ლარით. 5 ეკონომიკის განვითარების ხელშეწყობა რჩება უცვლელი და განსაზღვრულია 5 897,0 ათასი ლარის ოდენობით. პრიორიტეტის ფარგლებში გრძელდება პროგრამა ბიზნესის სტიმულირება, რომლისთვისაც გათვალისწინებულია 892,0 ათასი ლარი, თბილისის განვითარების კვლევები, სტრატეგიები და პროექტები 50,0 ათასი ლარი, თბილისი - საერთაშორისო ქსელისა და პროექტებში 455,0 ათასი ლარი, მერიის სისტემის საქმიანობის ხელშეწყობა 360,0 ათასი ლარი, თბილისში შემომყვანი ტურიზმის მხარდაჭერა 515,0 ათასი ლარი, ქალაქის საინვესტიციო პოტენციალის რეალიზაცია 185,0 ათასი ლარი, ინოვაციებისა და ტექნოლოგიების განვითარება 50,0 ათასი ლარი. ქალაქთმშენებლობითი დოკუმენტების შემუშავება 3 390,0 ათასი ლარი. ბინათმესაკუთრეთა ამხანაგობების განვითარება რჩება უცვლელი და განსაზღვრულია 20 648,1 ათასი ლარის ოდენობით, მათ შორის გლდანის რაიონში - 1 928,4 ათასი ლარი, ნაძალადევის რაიონში - 2 099,0 ათასი ლარი, დიდუბის რაიონში - 2 179,6 ათასი ლარი, ჩუღურეთის რაიონში - 2 813,6 ათასი ლარი, ვაკის რაიონში - 2 159,9 ათასი ლარი, საბურთალოს რაიონში - 2 337,1 ათასი ლარი, ისნის რაიონში - 2 453,6 ათასი ლარი, სამგორის რაიონში - 1 864,8 ათასი ლარი, კრწანისის რაიონში - 1 377,3 ათასი ლარი, მთაწმინდის რაიონში - 1 434,8 ათასი ლარი. ჯანმრთელობის დაცვა და სოციალური უზრუნველყოფა იზრდება 1 223,9 ათასი ლარით და შეადგენს 192 254,6 ათას ლარს. უცვლელი რჩება ჯანმრთელობის დაცვის პროგრამა 48 377,6 ათასი ლარის ოდენობით, ხოლო სოციალური დაცვის პროგრამებიდან იზრდება უფასო სასადილოებით მომსახურება რაიონებში 1 723,9 ათასი ლარით და შეადგენს 18 511,8 ათას ლარს. თავდაპირველ წარდგენილ პროექტთან შედარებით იზრდება ბენეფიციართა კვების სავარაუდო ღირებულება 1,18-დან 1,30 ლარამდე, ნაწილობრივ კომუნალური სუბსიდირებისა და სამედიცინო და სხვა სოციალური საჭიროებების დახმარების ღონისძიებების ქვეპროგრამების შემცირების ხარჯზე ჯამში 500,0 ათასი ლარით, ხოლო დანარჩენი ქვეპროგრამები რჩება უცვლელი. 6 განათლების პრიორიტეტი იზრდება 20 207,3 ათასი ლარით და შეადგენს 179 270,4 ათას ლარს. პრიორიტეტის ფარგლებში ძირითადად იზრდება სკოლამდელი აღზრდის დაწესებულებების ხელშეწყობა 20 000,0 ათასი ლარის ოდენობით, სკოლამდელი აღზრდის დაწესებულებების რეაბილიტაციისთვის (დემონტაჟი/ მშენებლობა და გამაგრება/ რეაბილიტაცია ჩაუტარდება 21-მდე ავარიულ საბავშვო ბაგა-ბაღის შენობას). პროგრამის ფარგლებში 2014 წლიდან დღემდე დასრულდა 20 ახალი ბაღის მშენებლობა. გარდა ამისა, 2019 წლის ბიუჯეტით გათვალისწინებულია 11 ახალი ბაღის მშენებლობის დასრულება. კულტურა, სპორტი და ახალგაზრდობის პრიორიტეტი იზრდება 9 974,0 ათასი ლარით და შეადგენს 31 567,4 ათას ლარს. ძირითადად იზრდება სპორტული დაწესებულებების მატერიალურ-ტექნიკური ბაზის გაუმჯობესება და მშენებლობის ქვეპროგრამა 10 000,0 ათასი ლარით, სადაც გათვალისწინებულია 2 ახალი მულტიფუნქციური საზოგადოებრივი (სპორტული) ცენტრის მშენებლობის დაწყება,

სამგორის რაიონში ჭიდაობის დარბაზის სარემონტო-სარეაბილიტაციო სამუშაოები, საბურთალოს ჩოგბურთის კორტების რეაბილიტაცია და ვაკის პარკში არსებული ჩოგბურთის კორტების რეაბილიტაციის ღონისძიებები. იზრდება ასევე, ადგილობრივი მნიშვნელობის მუზეუმების განვითარებისა და საკონცერტო ორკესტრი ბიგ-ბენდის ხელშეწყობის ხარჯები ჯამში 124,0 ათასი ლარით. მცირდება კულტურის სფეროს განვითარების ხელშეწყობის ასიგნებები 150,0 ათასი ლარის ოდენობით, რომელიც გადატანილია მოსწავლე ახალგაზრდობის ეროვნული სასახლის ხელშეწყობის ქვეპროგრამაში, თბილისის ახალგაზრდული სიმფონიური ორკესტრისათვის ინსტრუმენტების შესაძენად. საზოგადოებრივი წესრიგი და უსაფრთხოება რჩება უცვლელი და განისაზღვრება 3 608,8 ათასი ლარის ოდენობით. პრიორიტეტის ფარგლებში დაფინანსდება პროგრამა ცხოველთა მონიტორინგი - 3 158,3 ათასი ლარით და პროგრამა თბილისის მუნიციპალიტეტის ქონების დაცვის უზრუნველყოფა - 450,5 ათასი ლარით. 7 ქ. თბილისის წარმომადგენლობითი და აღმასრულებელი ორგანოებით განსაზღვრულია 95 950,5 ათასი ლარის ოდენობით. ქალაქ თბილისის მუნიციპალიტეტის 2019 წლის ბიუჯეტის პროექტით ბიუჯეტის სარეზერვო ფონდი განსაზღვრულია 2 500,0 ათასი ლარის ოდენობით. ასევე, პრიორიტეტის ფარგლებში გათვალისწინებულია წინა წლებში აღებული სესხების დაფარვა, მათ შორის, მუნიციპალიტეტის განვითარების ფონდის სესხის დაფარვა 4 000,0 ათასი ლარი და ფინანსთა სამინისტროსგან აღებული სესხის მომსახურება (ევროპის რეკონსტრუქციისა და განვითარების ბანკი (EBRD)) 12 872,3 ათასი ლარი, რაც თავდაპირველ წარდგენილ პროექტთან შედარებით შემცირებულია 777,6 ათასი ლარით, ვალუტის კურსის ცვლილებიდან გამომდინარე (დაზუსტდა სესხის მომსახურების ხარჯები). წინა წლებში წარმოქმნილი დავალიანებების დაფარვისა და სასამართლო გადაწყვეტილებების აღსრულების ფონდი განსაზღვრულია 2 000,0 ათასი ლარის ოდენობით. ამასთან, წარმოდგენილ პროექტში იზრდება მომუშავეთა რიცხოვნობა 13 ერთეულით, მათ შორის იურიდიული საქალაქო სამსახური - 4 ერთეულით და ურბანული განვითარების საქალაქო სამსახური - 9 ერთეულით. მცირდება ა(ა)იპ მუნიციპალური სერვისების განვითარების სააგენტო - 1 ერთეულით. გარდა ამისა, ქალაქ თბილისის მუნიციპალიტეტის 2019 წლის ბიუჯეტის პროექტს ახლავს ინფორმაციული ხასიათის დანართები: დანართი 1 - პროგრამული ბიუჯეტის შესახებ, რომელიც მოიცავს დეტალურ ინფორმაციას განსახორციელებელი პროგრამებისა და ქვეპროგრამების შესახებ, წარმოდგენილია სრულიად ახალ ფორმატში, სადაც მოცემულია პროგრამის საბაზისო და მიზნობრივი მაჩვენებლები, ხოლო იქ სადაც შესაძლებელი იყო ერთ-ერთ შეფასების ინდიკატორად დამატებულია გენდერული ინდიკატორი; დანართი 2 - სხვა ხარჯების შესახებ, დანართი 3 - ბიუჯეტით გათვალისწინებული პროგრამების/ქვეპროგრამების განმახორციელებელი ორგანიზაციების შესახებ, დანართი 4 - ქალაქ თბილისის მუნიციპალიტეტის მიერ დაფუძნებული სსიპ-ებისა 8 და ა(ა)იპ-ების ბიუჯეტების შესახებ, დანართი 5 - ქალაქ თბილისის მუნიციპალიტეტის 2018 წლის ბიუჯეტის 9 თვის შესრულების მიმოხილვის შესახებ და ქალაქ თბილისის მუნიციპალიტეტის 2019-2022 წლების პრიორიტეტების დოკუმენტი. საფინანსო-ეკონომიკურ სფეროში გენდერული თანასწორობის უზრუნველყოფის მიზნით, ქალაქის

ერთ-ერთ პრიორიტეტად დაისახა გენდერულად ორიენტირებული მუნიციპალური ბიუჯეტის ფორმირება. აღნიშნული პოლიტიკის წარმოებამ ხელი შეუწყო გენდერული საკითხების ინტეგრირებას ბიუჯეტით გათვალისწინებულ პროგრამებში. შესაბამისად 2019-2022 წლების ქალაქ თბილისის მუნიციპალიტეტის პრიორიტეტების დოკუმენტში და 2019 წლის ბიუჯეტის პროექტში გამოყენებული იქნა თანასწორობის პოლიტიკის განხორციელების მექანიზმი, რომელიც გულისხმობს საბიუჯეტო პროცესში გენდერული ასპექტების ჩართვას. თბილისის ბიუჯეტის შედგენისას გენდერული ასპექტი დაემატა, როგორც შედეგზე ორიენტირებული ბიუჯეტის დაგეგმვის ერთ-ერთი კომპონენტი. კერძოდ, პროგრამებში, რომლებიც რელევანტურნი არიან გენდერულ თემებთან, შესაბამისი გენდერული პოლიტიკა და მიდგომები ასახულია პროგრამის აღწერისა და აქტუალობის დასაბუთების ნაწილში, ხოლო სადაც შესაძლებელი იყო, პროგრამის შეფასების ერთ-ერთ ინდიკატორად გამოყოფილი იქნა გენდერული ასპექტის ინდიკატორი. პროგრამები და ქვეპროგრამები, რომლებშიც გათვალისწინებულია გენდერული ასპექტები ესენია: გზების მოვლა-შეკეთება; კეთილმოწყობის ღონისძიებები რაიონებში; გამწვანების ღონისძიებები; თბილისი - საერთაშორისო ქსელებსა და პროექტებში; ჯანმრთელობის დაცვა და სოციალური უზრუნველყოფის ქვეპროგრამები; სპორტის განვითარების ხელშეწყობა, მათ შორის სპორტული ღონისძიებები, მწვრთნელთა მხარდაჭერა, წარმატებული სპორტსმენი ბავშვების წახალისება და სხვა. 9 სამომავლოდ, გენდერული კვლევების ჩატარების კვალობაზე, შესაძლებელი გახდება უფრო მეტ საბიუჯეტო პროგრამაში იქნას გათვალისწინებული გენდერული საკითხები და შესაბამისი ინდიკატორების განსაზღვრაც, რაც მოგვცემს საშუალებას ფინანსური რესურსების გენდერული საჭიროებების მიხედვით უფრო ეფექტურად გადაანაწილებისთვის.

საოქმოდ დადგენილების პროექტს მხარი არ დაუჭირეს კომისიის წევრებმა ბატონმა ნიკოლოზ ვაჩიშვილმა და გიორგი გაბაშვილმა.

*აღნიშნულის გათვალისწინებით კომისია მიზანშეწონილად მიიჩნევს „ქალაქ თბილისის მუნიციპალიტეტის საკრებულოს დადგენილების პროექტი „ქალაქ თბილისის მუნიციპალიტეტის 2019 წლის ბიუჯეტის დამტკიცების შესახებ“ გატანილ იქნეს საკრებულოს სხდომაზე განსახილველად.*

2. „ქალაქ თბილისის მუნიციპალიტეტის 2018 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2017 წლის 15 დეკემბრის N6-8 დადგენილებაში ცვლილების შეტანის შესახებ ქალაქ თბილისის მუნიციპალიტეტის საკრებულოს დადგენილების პროექტი (12-0318355197-03)

საკითხი წარმოადგინა თბილისის მუნიციპალიტეტის მერიის საფინანსო საქალაქო სამსახურის უფროსმა ბატონმა გაიოზ თალაკვაძემ, მისი თქმით, ქალაქ თბილისის

მუნიციპალიტეტის 2018 წლის ბიუჯეტში ცვლილებები ძირითადად ხორციელდება, საქართველოს 2018 წლის სახელმწიფო ბიუჯეტიდან ინფრასტრუქტურული და სხვადასხვა ღონისძიებებისათვის ქალაქ თბილისის მუნიციპალიტეტისათვის გამოყოფილი სპეციალური ტრანსფერის 170 000,0 ათასი ლარის გამოყოფის საფუძველზე. აღნიშნულიდან გამომდინარე წარმოდგენილი პროექტით ბიუჯეტის მოცულობა იზრდება და შეადგენს 1 086 863,6 ათას ლარს. ასევე, წარმოდგენილ პროექტში გათვალისწინებულია ქალაქ თბილისის მუნიციპალიტეტის მერიის სტრუქტურული ერთეულების, რაიონის გამგეობების და სხვა საბიუჯეტო ორგანიზაციების მიერ „სახელმწიფო შესყიდვების შესახებ“ საქართველოს კანონის შესაბამისად განხორციელებული ტენდერებისა და შესრულებული სამუშაოების შედეგად წარმოქმნილი ეკონომიებისა და დამატებით წარმოდგენილი მოთხოვნების შესახებ წინადადებები. შესაბამისად ბიუჯეტში მოძიებულმა რესურსმა სულ შეადგინა 37 271,5 ათასი ლარი.

ბიუჯეტის შემოსავლების ზრდისა და მოძიებული რესურსის გათვალისწინებით ასიგნებები გადანაწილდა შემდეგ პროგრამებსა და ქვეპროგრამებზე, მათ შორის: იზრდება შემდეგი პროგრამის/ქვეპროგრამის ასიგნებები: სატრანსპორტო ინფრასტრუქტურის მოწესრიგების ღონისძიებები (კოდი 01 02 01) 33 784,2 ათასი ლარით, მეტროს ინფრასტრუქტურის მოწესრიგების, ავტობაზების აღდგენარეაბილიტაციისა და სხვა ინფრასტრუქტურული ღონისძიებებისათვის; საქალაქო სამგზავრო ტრანსპორტის მოძრავი შემადგენლობის მოდერნიზაცია (კოდი 01 02 02) 95 346,0 ათასი ლარით, მათ შორის 79 564,3 ათასი ლარი 220 ერთეული 8 მეტრიანი M3 კატეგორიის ავტობუსების შეძენისათვის და 15 781,7 ათასი ლარი მეტროს ვაგონების მოდერნიზაციისათვის; მეტროს სადგურების რეკონსტრუქცია, მშენებლობა (კოდი 01 02 03) 5 062,5 ათასი ლარით; საბაგირო ტრანსპორტის განვითარება (კოდი 01 02 08) 2 336,5 ათასი ლარით, მთაწმინდის პარკთან დამაკავშირებელი საბაგირო გზის მშენებლობასთან დაკავშირებით; 2015 წლის 13-14 ივნისს ძლიერი წვიმის შედეგად გამოწვეული სტიქიის 2 სალიკვიდაციო ღონისძიებები (კოდი 02 11) 2 302,4 ათასი ლარით, მათ შორის ვაკის რაიონის გამგეობას ემატება 216,0 ათასი ლარი 6 პირზე გასაცემი ერთჯერადი ფულადი დახმარების ანაზღაურების მიზნით და სსიპ ქონების მართვის სააგენტოს მოთხოვნით 2015 წლის 13-14 ივნისს მომხდარი სტიქიით დაზარალებული 6 ოჯახის დაკმაყოფილებისათვის 2 086,4 ათასი ლარი; გამწვანების ღონისძიებების ფარგლებში (კოდი 03 01) შპს ეკოსერვისის მიერ განსახორციელებელი სამუშაოების დასაფინანსებლად ემატება 9 092,0 ათასი ლარი, ხოლო გამწვანების ღონისძიებებში მიღებული ეკონომიები მცირდება 2 671,6 ათასი ლარით; იზრდება დასუფთავების ღონისძიებები (კოდი 03 02) 42 725,5 ათასი ლარით, მათ შორის სხვადასხვა ტევადობის ნაგავშემკრები ავტოსატრანსპორტო საშუალებების შესაძენად, ნაგავსაყრელი პოლიგონის პირველი და მეორე უჯრედის შეფუთვა კონსერვაციის, გაზის შეკრებისა და ნარჩენების უტილიზაციის ღონისძიებებისათვის, ასევე დაგვადასუფთავების ღონისძიებების შეუფერხებელი მომსახურების, სხვადასხვა კაპიტალური ხარჯებისა და შპს თბილსერვისის თანამშრომელთა პრემიებისთვის; სკოლამდელი

აღზრდის დაწესებულებების ხელშეწყობა (კოდი 07 01 02) იზრდება 15 700,0 ათასი ლარი, საბავშვო ბაგა ბაღების დეკემბრის ხარჯების ანაზღაურების, კაპიტალური ხარჯებისა და ბაგა ბაღების თანამშრომელთა პრემიებისათვის; ინკლუზიური განათლების ხელშეწყობას (კოდი 07 02 07) ემატება 135,0 ათასი ლარი შშმ პირებისათვის ადაპტირებული სატრანსპორტო საშუალების შესაძენად; და სხვა.


მცირდება: გზების მშენებლობა და აღდგენა (კოდი 01 01 01) 8 817,3 ათასი ლარით; გზების მოვლაშეკეთება რაიონებში 1 775,6 ათასი ლარით; ავტოსატრანსპორტო საშუალებათა პარკირების რეგულირება (კოდი 01 02 04) 700,0 ათასი ლარით; საინჟინრო ნაგებობების და ინფრასტრუქტურის ობიექტების მშენებლობა და აღდგენა-რეკონსტრუქცია (კოდი 02 01) 8 182,8 ათასი ლარით; ბინათმშენებლობა და ავარიული შენობების გამაგრება (კოდი 02 02) 2 200,0 ათასი ლარით; საპროექტო-სადიებო და კვლევითი სამუშაოები, ექსპერტიზა, კონსერვაცია და სხვა ღონისძიებები (კოდი 02 03 01) 147,0 ათასი ლარით; ქალაქგაფორმებითი ღონისძიებები (კოდი 02 07) 193,3 ათასი ლარით; კეთილმოწყობის საქალაქო ღონისძიებები (კოდი 02 09 01) 600,0 ათასი ლარით; ინფრასტრუქტურის ფუნქციონირების ხელშეწყობისა და მოძრავი ქონების აღრიცხვა-რეგულირება (კოდი 02 09 08) 93,0 ათასი ლარით; კეთილმოწყობის ღონისძიებები რაიონებში 1 366,0 ათასი ლარით; ქალაქის განვითარების ხელშეწყობა (კოდი 02 10) 308,6 ათასი ლარით; ბოტანიკური ბაღის განვითარების ხელშეწყობა (კოდი 03 03 02) 65,0 ათასი ლარით; ბიზნესის სტიმულირება (კოდი 04 01) 34,0 ათასი ლარით; თბილისის განვითარების კვლევები, სტრატეგიები და პროექტები (კოდი 04 03) 145,8 ათასი ლარით; თბილისი - საერთაშორისო ქსელებსა და პროექტებში (კოდი 04 04) 161,7 ათასი ლარი; შიდა აუდიტორული სისტემის 3 ლარით; სახელმწიფო შესყიდვების სავარაუდო ღირებულების განსაზღვრის მომსახურება (კოდი 04 07 03) 10,0 ათასი ლარით; საფინანსო სისტემის მოწესრიგების ღონისძიებები (კოდი 04 08) 95,4 ათასი ლარით; თბილისში შემომყვანი ტურიზმის მხარდაჭერა (კოდი 04 08) 237,0 ათასი ლარით; ქალაქის საინვესტიციო პოტენციალის რეალიზაცია (კოდი 04 09) 2,1 ათასი ლარით; ინოვაციების და ტექნოლოგიების განვითარება (კოდი 04 10) 22,6 ათასი ლარით; დედაქალაქის მიწათსარგებლობის გენერალური გეგმა (კოდი 04 12) 1 330,8 ათასი ლარით; ბინათმესაკუთრეთა ამხანაგობების განვითარება ჯამში მცირდება 2 178,2 ათასი ლარით; სასწრაფო სამედიცინო დახმარება (კოდი 06 01 01) 260,0 ათასი ლარით; საზოგადოების განათლებისა და ინფორმირების ხელშეწყობა (კოდი 07 02 03) 1 120,7 ათასი ლარით; საზოგადოებისათვის მნიშვნელოვანი ინფორმაციის გავრცელება (კოდი 07 02 04) 66,8 ათასი ლარით; მოსწავლე ახალგაზრდობის ეროვნული სასახლის სარემონტო-სარეაბილიტაციო სამუშაოები (კოდი 07 06 02) 439,9 ათასი ლარით; კულტურა, სპორტი და ახალგაზრდობა მცირდება ჯამში 966,6 ათასი ლარით; თბილისის მუნიციპალიტეტის ქონების დაცვის უზრუნველყოფა (კოდი 09 01) მცირდება 142,1 ათასი ლარით; ქ.თბილისის წარმომადგენლობითი და აღმასრულებელი ორგანოები მცირდება 2 251,5 ათასი ლარით; და სხვა.



შესაბამისად, ურბანული დაგეგმარებისა და საქალაქო მეურნეობის კომისიას მიაჩნია, საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის, „ა“ ქვეპუნქტის, 24-ე მუხლის, 1 პუნქტის, „დ.ა“ ქვეპუნქტის, 89-ე მუხლიდან გამომდინარე, აღნიშნული პროექტი გატანილ იქნას საკრებულოს უახლოეს სხდომაზე განსახილველად.

ურბანული დაგეგმარებისა და საქალაქო მეურნეობის კომისიის თავმჯდომარემ რევაზ სოხაძემ სხდომა დახურულად გამოაცხადა.

სხდომის თავმჯდომარე

რ. სოხაძე

რევაზ სოხაძე